



CONCELLO DO VICEDO

EM A12038654

Procedemento: TR353A Subvención a obradoiros duais de emprego

Expediente: 27/08/2023

Asunto: Resolución de concesión de subvención

Examinada a solicitude achegada o 2 de xuño de 2023, por don José Jesús Novo Martínez, en nome e representación da entidade Concello do Vicedo (NIF P2706400E) coa finalidade de obter unha subvención para a realización do proxecto de obradoiro dual de emprego denominado "TERRAS DO SOR VII" emíttese esta resolución tendo en conta os seguintes

FEITOS

Primeiro

Con data do 2 de xuño de 2023, e dentro do prazo establecido para este efecto, don José Jesús Novo Martínez, en nome e representación da entidade Concello do Vicedo achega unha solicitude de subvención para a realización do proxecto de obradoiro dual de emprego denominado "TERRAS DO SOR VII". Xunto coa devandita solicitude, achégase a documentación esixida para os proxectos de obradoiro de emprego pola pola Orde do 21 de abril de 2023, pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia e se procede á súa convocatoria para o ano 2023 (DOG núm. 85, do 4 de maio de 2023. Corrección de erros DOG núm. 92, do 15 de maio de 2023).

Segundo

O día a 7 de setembro de 2023 tivo lugar a sesión da Comisión Central de Valoración que avalía as solicitudes de subvencións para a posta en funcionamento de proxectos de obradoiros duais de emprego, segundo o establecido no artigo 23 da antedita orde.

Terceiro

Con data do 27/09/2023, o Servizo de Formación para o Emprego e Orientación da Xefatura Territorial da Consellería de Promoción do Emprego e Igualdade en Lugo, emitiu a correspondente proposta de resolución, de acordo co disposto no artigo 26 da referida orde.

FUNDAMENTOS DE DEREITO

Primeiro

A competencia para ditar a presente resolución vén dada polo disposto no artigo 26 en relación coa disposición adicional segunda da Orde do 21 de abril de 2023 xa referida.

Segundo

Na tramitación do procedemento seguíronse as prescricións establecidas pola normativa que a continuación se relaciona:

- Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro de 2015).
- Lei 9/2007, do 13 de xuño, de subvencións de Galicia (DOG núm. 121, do 25 de xuño de 2007).
- Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia (DOG núm. 20, do 29 de xaneiro de 2009).
- Lei 38/2003, do 17 de novembro, xeral de subvencións (BOE núm. 276, do 18 de novembro de 2003).
- Orde do 21 de abril de 2023, pola que se establecen as bases reguladoras das axudas e subvencións para os obradoiros duais de emprego da Comunidade Autónoma de Galicia e se procede á súa convocatoria para o ano 2023 (DOG núm. 85, do 4 de maio de 2023. Corrección de erros DOG núm. 92, do 15 de maio de 2023).

Terceiro

A entidade solicitante cumpre os requisitos establecidos pola citada Orde da Consellería de Promoción do Emprego e Igualdade, do 21 de abril de 2023.



Cuarto

Tendo en consideración os criterios de valoración previstos no artigo 24 da referida orde, a documentación que integra o expediente, a tipoloxía e características do proxecto examinado así como a puntuación e o contido do informe técnico emitido pola xefa territorial, xunto coas dispoñibilidades orzamentarias e a súa distribución territorial, outorgouse ao proxecto examinado unha puntuación de 30,66 puntos, polo que a Comisión Central de Valoración informou favorablemente a concesión á devandita entidade dunha subvención polo importe de 531.046,20 euros coa referida finalidade, para 20 alumnos/as-traballadores/as, e cunha duración de 12 meses e 21.000 euros para incentivos á contratación. Á vista do anterior, o Servizo de Formación para o Emprego e Orientación desta xefatura territorial emitiu a proposta de resolución favorable á concesión da referida subvención.

Vistos os preceptos legais citados e demais de xeral e pertinente aplicación, esta xefa territorial

RESOLVE

Primeiro

Outorgar unha subvención ao Concello do Vicedo polo importe de 531.046,20 euros, con cargo ao orzamento da Consellería de Promoción do Emprego e Igualdade para o financiamento dos custos de formación profesional para o emprego, e se é o caso, educación básica durante a duración do proxecto, e os salariais dos contratos de traballo que se subscriban co alumnado, para a realización do proxecto do obradoiro dual de emprego denominado "TERRAS DO SOR VII" para 20 alumnos/as traballadores/as, distribuídos nas especialidades formativas segundo o detalle que figura no anexo a esta resolución.

Así mesmo concédeselle 21.000 euros para incentivos á contratación laboral segundo figura no anexo a esta resolución.

Segundo

Autorizar como obxectos de actuación para a súa execución no desenvolvemento do proxecto:

- Atención socio sanitaria-Residencia de anciáns Betania (Viveiro)

Concello do Vicedo

- Fabricación de 125 cadeiras pregables.
- Fabricación de 15 xardineiras urbanas rectangulares.
- Fabricación de 25 papeleiras cadradas.
- Fabricación de 12 bancos de iroko.
- Fabricación de 2 porterías de fútbol.
- Fabricación de 6 cobre-contedores de residuos.

Concello de Ourol

- Cielo raso de parede do salón de plenos da casa do Concello de Ourol (100 m²)
- Valado de madeira Paseo da Rega 100 ml.(sen colocación)
- Fabricación de 60 cadeiras pregables para centros sociais e edificio multiusos
- Fabricación (sen colocación) de 2 cobre-contedores de residuos e 2 marquesiñas

Concello de Muras

- Aplicación de tratamentos antifungos e antixilofagos no mobiliario urbano
- Fabricación de Porta mampara corredeira para edificio da Aula da Natureza
- Imprimación protectora no mobiliario urbano
- Fabricación de 150 cadeiras pregable.

Terceiro

Esta resolución non exime á entidade beneficiaria desta subvención de obter as autorizacións administrativas que resulten necesarias para a execución das obras obxecto de actuación.

Cuarto

Declarar que o importe da subvención ten o carácter de estimado, e as cantidades efectivas a aboar na fase do proxecto, estará en función da contía do salario mínimo interprofesional e das cotas patronais á Seguridade Social, vixentes cada ano, así como do número de alumnos/as-traballadores/as que participen no proxecto.

Quinto

O aboamento das cantidades a subvencionar nos seguintes exercicios orzamentarios queda suxeito á condición suspensiva da existencia de crédito suficiente nos orzamentos xerais da Xunta de Galicia nos respectivos exercicios.

Sexto

Notifíquese este acto ao solicitante, informándolle que:



a) Para os efectos de difusión pública, e seguindo as previsións contidas na normativa aplicable, deberá identificar convenientemente as actividades, obras e servizos que desenvolva o proxecto subvencionado, especialmente a través de publicidade estática realizada por medio de vallas, carteis ou paneis que, colocados en lugar visible.

b) Queda sometida ao cumprimento das obrigas establecidas pola regulamentación antes citada e pola normativa de seguridade e saúde no traballo, ás actuacións de comprobación e control previstas na lexislación de réxime financeiro e orzamentario en relación coa subvención concedida, e ás que poida efectuar a Inspección de Traballo e Seguridade Social.

c) Esta resolución, que pon fin á vía administrativa, poderá ser impugnada perante o órgano xurisdiccional competente da orde contencioso-administrativa, no prazo de dous meses, contados dende o día seguinte ao da súa notificación, de conformidade co previsto no artigo 46 da Lei 29/1998, do 13 de xullo, reguladora da xurisdición contencioso-administrativa. Con anterioridade á interposición do devandito recurso contencioso-administrativo, poderá interpor potestativamente recurso de reposición perante o mesmo órgano que ditou este acto administrativo de conformidade co previsto nos artigos 123 e 124 da Lei 39/2015, do 1 de outubro, do Procedemento Administrativo Común das Administracións Públicas. Todo o anterior é sen prexuízo de que poida facer uso do requirimento previo ao que alude o artigo 44 da dita Lei 29/1998 ou de interpoñer aqueles outros recursos que estime oportunos para a defensa dos seus dereitos e intereses.¹

A Conselleira

PD (Orde do 29/09/2021 sobre delegación de competencias en diversos órganos da Consellería, DOG núm.195 do 8 de outubro)

A xefa territorial

Pilar Fernández López

Documento asinado dixitalmente á marxe en Lugo

¹Este apartado c), utilizarase cando a entidade promotora teña a condición de Administración Pública.



ANEXO Á RESOLUCIÓN DE CONCESIÓN DE SUBVENCIÓN

Núm. de expediente: TR353A 27/08/2023
Denominación do obradoiro de emprego: TERRAS DO SOR VII
Entidade promotora: CONCELLO DO VICEDO

1.- Subvención concedida: 552.046,20 euros.

1.1.-Subvención por anualidades:

Anualidade	Importe
2023	185.866,17€
2024	366.180,03 €

1.2.- Subvención para gastos de formación e funcionamento (aplicación orzamentaria: 11.50.322A.460.2)

Datos previstas		Núm. alumnos/as-traballadores	Núm. horas	Importe módulo A	Importe módulo B	Total
Inicio	Remate					
06/11/2023	05/11/2023	20	1920	150.144,00€	42.240€	192.384€

1.3.- Subvención para gastos salariais de alumnos/as-traballadores/as participantes (aplicación orzamentaria: 11.50.322A.460.2)

Núm. contratos	Total subvención
20	338.662,20€

1.4. Subvención, se é o caso, para incentivos á contratación laboral (aplicación orzamentaria 11.50.322A.460.1)

Datos previstas		Número contratos	Importe subvención
Inicio	Remate		
20/11/2024	20/02/2025	14	21.000€

2.- Número de alumnos/as-traballadores/as especialidades:

Código	Especialidade	Núm. Alumnos/as-traballadores/as
MAMD0209	TRABALLOS DE CARPINTERÍA E MOBLE	11
SSCS0108	ATENCIÓN SOCIO SANITARIA A PERSOAS NO DOMICILIO	9

A Conselleira

PD (Orde do 29/09/2021 sobre delegación de competencias en diversos órganos da Consellería, DOG núm.195 do 8 de outubro)

A xefa territorial

Pilar Fernández López

Documento asinado dixitalmente á marxe en Lugo